

आकाशवाणी

खास-खास खबरां:-

1. प्रधानमंत्री नरेन्द्र मोदी अज्ज हावड़ा ते गुवाहाटी बश्कार देशे दी पैहली “वंदे भारत” स्लीपर रेलगड्डी गी रवाना करोआंगन।
2. भारत ते जापान महत्वपूर्ण खनिजे पर सांझा कार्य- समूह खडेरने लेई सहमत होई गे न।
3. प्रवर्तन निदेशालय ने अल-फलाह युनिवर्सिटी दे मैनेजिंग Trustee ते चांस्लर जवाद अहमद सिद्दीकी ते होरनें खलाफ काले धनै गी जायज बनाने थमां रोकने सरबंधी कनून तैहत शकैत दर्ज कीती ऐ। समूह दी 140 करोड़ दी सम्पत्ति ज़ब्त।
4. अमरीकी राष्ट्रपति डोनाल्ड ट्रम्प होरें ग्रीनलैंड गी अपने कन्ने रलाने दी अमरीका दी योजना दा बरोध करा रदे देशे पर कारोबारी ट्रैरिफ लाने दी धमकी दिती ऐ।
5. इक ध्याड़े आले U-19 क्रिकेट वर्ल्ड कप च अज्ज भारत ग्रुप-ए दे अपने दुए मैच च बंगलादेश खलाफ खेड्डोग। मैच दपैहरी इक बजे शा शुरु होग।

<><><><><><>

PM -Vande Bharat

प्रधानमंत्री नरेन्द्र मोदी अज्ज मालदा रेलवे स्टेशन पर हावड़ा- गुवाहाटी ते कामाख्या बश्कार चलने आली देशे दी पैहली “वंदे भारत” स्लीपर ट्रेन गी रवाना करगंन। ओह गुवाहाटी-हावड़ा “वंदे भारत” स्लीपर ट्रेन गी वर्चुएल ढंगै नै रवाना

करोआंगन। “वंदे भारत” स्लीपर ट्रेन यात्रियें गी किफायती करायें पर ब्हाई जातरा ज्नेहा अनुभव प्रदान करग। 823 यात्रियें दी कुल समर्थ आली “वंदे भारत” स्लीपर ट्रेन च 16 आधुनिक कोच न ते एह सारे गै ए.सी. दी सुविधा कन्नै लैस न। प्रधानमंत्री मोदी पच्छिम बंगाल च 4 प्रमुख रेलवे परियोजनाएं दा नीह पत्थर बी रक्खगंन। इनें परियोजनाएं कन्नै यात्री ते माल दुहाई आली बवस्था मजबूत बनोग ते रोजगार दे मौके पैदा होगंन। श्री मोदी मालदा च 4 नमीं अमृत भारत एक्सप्रेस रेलगड्डियें गी वर्चुएल ढंग्गै नै रवाना करगंन। प्रधानमंत्री हुंदा संजा लै असम दे गुवाही च बोडो समुदाय दी समृद्ध विरासत दा जश्न मनाने आले इक ऐतिहासिक सांस्कृतिक कार्यक्रम च हिस्सा लैने दा बी कार्यक्रम ऐ।



India- Japan

भारत ते जापान महत्वपूर्ण खनिजें पर सांझा कार्य समूह खडेरने लेई सैहमत होई गे न। बदेश मंत्रालय नै दस्सेया ऐ जे रक्षा सहयोग दौने देशें लेई महत्वपूर्ण ऐ। बदेश मंत्रालय दे प्रवक्ता रंधीर जायसवाल होरें दस्सेया ऐ जे बदेश मंत्री डाक्टर एस.जयशंकर ते जापान दे बदेश मंत्री हुंदे बश्कार इस बारे च चर्चा होई ऐ। उनें दस्सेया जे डाक्टर जयशंकर होरें आखेया ऐ जे एह दपक्खी सांझ भ्याली- वैश्विक अर्थबवस्था दे जोखिम गी घट्ट करने च सक्षम ऐ। श्री जायसवाल होरें आखेया जे भारत आपसी सरबंधें गी होर मजबूत करने दा हिमायती ऐ ते केई परियोजनाएं पर बचार कीता जा रदा ऐ। ध्यानजोग ऐ जे

जापान दे बदेश मंत्री तोशीमित्सु मोतेगी भारत दे त्रै दिनें दे दौरे पर न। उनें प्रधानमंत्री नरेन्द्र मोदी हुंदे कन्ने शिष्टाचार मलाटी कीती ते बदेश मंत्री डाक्टर एस. जयशंकर हुंदे कन्ने 18मीं भारत-जापान रणनीतिक वार्चा च हिस्सा लैता।



Indo- Japan Relations

बदेश मंत्री डॉ. एस. जयशंकर होरें आखेआ ऐ जे पिच्छले दशं दहाकें च भारत ते जापान ने अपने रिश्ते आर्थिक खेतर थमां बधाइयै व्यापक ते रणनीतिक भागीदारें दे रूप च बदले न। उनें एह गल्ल जापान दे बदेश मंत्री तोशीमित्सु मोतेगी हुंदे कन्ने नमीं दिल्ली च गल्लबात दे शुरूआती सत्र दरान आखी। उनें गलाया जे महासागर आहली पैहल ते हिन्द-प्रशांत लेई भारत दा नजरियाए जापान दे मुक्त ते खुले हिन्द-प्रशांत दे नजरिये कन्ने मेल खंदा ऐ। डॉ. जयशंकर होरें आखेआ जे दौने मुखए आपूर्ति श्रृंखलाए महत्वपूर्ण खनिजें ते ऊर्जा सने सेहत ते समुंदरी सुरक्षा दे खेतरें ते बक्ख-बक्ख दपक्खी मुद्दें पर चर्चा करने दे ख्वाहिशमंद न।



Jaishankar –Fellowship Prog.

विदेशमंत्री डाक्टर सुब्रह्मण्यम जयशंकर होरें नमीं दिल्ली च आयोजित 6में सालाना निरस्त्रीकरण ते अंतराश्ट्रीय सुरक्षा फेलोशिप कार्यक्रम च हिस्सा लै रदे 39 देशें दे प्रतिनिधियें कन्ने गल्लबात कीती। एह फेलोशिप- सुषमा स्वराज विदेश सेवा संस्थान आसेया आयोजित कीता गेदा हा। सोशल मीडिया पोस्ट च डाक्टर जयशंकर होरें आखेया जे उनें युवा प्रतिभागियें कन्ने विश्व दे अगगें

मौजूद बक्ख-बक्ख सुरक्षा चुनौतियों पर विचार- बटांधरा कीता ते इंदे कन्ने
निबड़ने आस्तै व्यावहारिक ते रचनात्मक कूटनीती दे महत्व पर जोर दिता।

<><><><><><>

Poland –Dy. PM Visit

पोलैंड दे उप-प्रधानमंत्री ते विदेश मंत्री रादोस्लाव सिको-रस्की होर व्रंऊ दिनें दे
भारत दौरै पर न। सिकोरस्की होर कल राजस्थान दे जयपुर च आयोजित होने
आहले जयपुर साहित्य महोत्सव च हिस्सा लैगंन। ओह नर्मी दिल्ली च विदेश
मंत्री डाक्टर जयशंकर हुंदे कन्ने मलाटी बी करगंन।

<><><><><><>

ED –AL Falah

प्रवर्तन निदेशालय नै अल -फलाह युनिवर्सिटी दे मैनेजिंग Trustee ते चांस्लर
जवाद अहमद सिद्दीकी ते होरनें खलाफ काले धनै गी जायज़ बनाने शा रोकने
सरबंधी कनून दे तैहत शकैत दर्ज कीती ऐ। निदेशालय नै दस्सेया ऐ जे अल-
फलाह खैराती ट्रस्ट ते अल -फलाह युनिवर्सिटी ते ओदे नै जुड़े दे इदारें दे
सरबंधै च आरोपियें खलाफ अदालत च शकैत दर्ज कीती गई ऐ। इ.डी नै
आखेया ऐ जे उन्नै हरियाणा च स्थित इस समूह कन्ने जुड़ी दी तकरीबन 140
करोड़ रुपें दी सम्पत्ति गी आरजी तौर पर जब्त करी लैता ऐ। एह जांच पिच्छले
बरे दिल्ली लाल किला बम्ब धमाके दे बाद पुलस आसेया दर्ज मामले पर
आधारित ऐ। इ.डी नै आखेया ऐ जे अजें धोड़ी तकरीबन 493 करोड़ रुपें दी

अपराध थमां कीती गेदी औंदन दा अंदाजा लाया गया ऐ। जांच दे दरान सिद्दीकी दी सक्रिय भूमिका सामने आई ऐ कीजे अल-फलाह समूह पर ओदा दबदबा हा ते ओह गैर-कनूनी ढंग्गै नै कमाए गेदे पैसे दा प्रमुख लाभार्थी पाया गया ऐ।



Greenland –US Trade Tariff

अमरीका दे राष्ट्रपति डोनाल्ड ट्रम्प होरें ग्रीनलैंड गी अपने कन्नै मलाने दी अमरीका दी योजना दा विरोध करने आहले देशें पर कारोबारी टैरिफ लाने दी धमकी दिती ऐ। अमरीका दे राष्ट्रपति निवास- व्हाइट हाउस च इक बैठक च ट्रम्प होरें आखेया जे ग्रीनलैंड अमरीका दी सुरक्षा लेई महत्वपूर्ण ऐ। उनें आखेया जे आर्कटिक च रुस ते चीन दी बढ़ती मजूदगी कोला अमरीका दी रक्षा करना जरूरी ऐ। हालांकि डेनमार्क ते ग्रीनलैंड ने अद्दी-दुब्बी खुदमुख्तयारी आहलें इलाकें गी बेचने दी ट्रम्प हंदी मंग गी खारिज करी दिता ऐ ते केंई नाटो सहयोगियें क्षेत्र च सुरक्षा निग्गर करियै डेनमार्क दा समर्थन कीता ऐ। ट्रम्प होरें आखेया ऐ जे नाटो ने अमरीका कन्नै ग्रीनलैंड पर चर्चा कीती ऐ ते आखेया जे अमरीका दी फौजी ताकत इस अधिग्रहण गी जरूरी बनांदी ऐ। रुस नै आखेया जे ओहदा ग्रीनलैंड पर कब्जा करने दा कोई इरादा नैई ऐ ते उन्ने इस मुद्दे पर पच्छमी देशें दी निंदेया कीती। सोशल मीडिया पोस्ट च रुस दे विदेश मंत्रालय दियां प्रवक्ता मारिया ज़खारोवा होरें इसी पच्छम दी नियम-आधारित अंतराश्ट्रीय

बवस्था दा पतन गलाया। तोंआई डेनमार्क नै ग्रीनलैंड च अपनी फौजी मजूदगी गी बदाने दी योजना दी घोषणा कीती ऐ।

<><><><><><>

BJP Prez Election

भारती जनता पार्टी ने अपने राश्ट्री अध्यक्ष दे चुनांस कार्यक्रम दा ऐलान करी दित्ता ऐ। पार्टी दे राश्ट्री अध्यक्ष दे औहद्धे लेई नामांकन 19 जनवरी गी दाखल कीते जाडन ते उस्सै दिन नामांकन पत्रं दी जांच कीती जाहग। चुनांस 20 जनवरी गी होगा।

<><><><><><>

VP UK Speaker

उपराश्ट्रपति सी.पी. राधाकृष्णन होरें कल नमीं दिल्ली च स्थित संसद भवन च ब्रिटेन दे हाऊस ऑफ लॉर्डस दे अध्यक्ष लॉर्ड मैकफॉल ऑफ अलक्लुइथ हुंदे कन्नै मलाटी कीती। भारत च आयोजित राश्ट्रमंडल अध्यक्षें ते पीठासीन अधिकारियें दे 28में सम्मेलन दे दरान एह मलाटी लग्गी। इस मौके पर उपराश्ट्रपति होरें आखेआ जे लॉर्ड मैकफॉल हुंदी एह जातरा- भारत ते ब्रिटेन बशकार मजबूत संसदी सरबंधें गी दर्शादी ऐ। श्री राधाकृष्णन होरें दौनें मुखें दे सांझे लोकतांत्रिक मुल्लें पर लोस पांदे होई आखेआ जे एहदे च विधि दे शासन दे प्रति प्रतिबद्धता- संसदी विशेषाधिकार ते कार्यपालिका दी असरदार निगरानी शामिल न। श्री राधाकृष्णन होरें आखेआ जे लॉर्ड मैकफॉल हुंदी एह जातरा- भारत ते ब्रिटेन बशकार मजबूत संसदी सरबंधें गी दर्शादी ऐ। उनें दौनें मुखें बशकार

सांझे करगंन। इस कार्यक्रम दी मेजबानी मेरे यानि विजय बजाज आसेया कीती जाग। चेता रक्खेया अज्ज दपैहरी साइडे 12 बजे स्हाड़े इस्सै चैनल मीडियम वेव 303 मीटर यानी 990 किलोहर्टस ते एफ.एम. 100 इशारिया 3 मैगाहर्टस पर।



U-19

19एं बरे शा हेठली उम्मी दे खाडियें दे इक ध्याड़े आले अंतराश्ट्रीय क्रिकेट वर्लड कप च अज्ज भारत दा मुकाबला ग्रुप- ए दे अपने दुए मैच च बंगलादेश कन्नै होग। जिम्बावे दे बुलावेयो च होने आला एह मैच भारती समें मुजब दपैहरी इक बजे शुरु होग। बरखा करी प्रभावत पैहले मैच च भारत नै डक्वर्थ लुईस नियम दे तैहत अमरीका गी 6एं विकटें कन्नै हराया हा।

